

րի, թէ՛ նորածուն, աչառու բիւրոկրատների ձեռքով: Այդ ինքնավար մարմինները կարող են, մշակութային նպատակների համար, տուրքեր դանձել իրենց «ազգացուցակները» մէջ մտած անդամներից:

Ի՞նչ միամիտ հարցեր: Մի առու փորելու, մի ծառ տնկելու մասին փող հարող բուշելիկ մամուլը չէ, յամենայն դէպս, որ լուսթիւն պիտի պահպանէր այդ ամէնի մասին: Առաջինը մենք պիտի լինէինք ուրախացողը, եթէ վաղը հակառակը ցոյց տրուէր:

Եւ սակայն յիշեալ բովանդակ պահանջների իրականացումն է միայն, որ մշակութային ինքնավարութիւն անուանուի կարող է: Փոքրիկ էսթոնիան մեծ խորհուրդներին էլ, օրինակ: Կարող է ասուիլ՝ տեսէ՛ք, Անգլիան, Ֆրանսա, Ամերիկան եւս չեն իրազործում նրման ինքնավարութեան պահանջ: Բայց նախ՝ դրանից մեր եւ ուրիշ փոքրամասնութեանց գոհացում չի տրուի: Եւ յետոյ, այդ դէպքում ի՞նչ տարբերութիւն բուշելիկների եւ նրանց միջեւ:

Ազգային-մշակութային ինքնավարութիւնը մի պահանջ է, որից հայութիւնը հրաժարուի չի կարող եւ իրաւունք էլ չունի հրաժարուելու: Խնդիրը վերաբերում է Խորհրդային Միութեան հայերի ուղիղ կէսին: Այդ հարցի յաջող լուծումը մեզ համար նոյնչափ եւ դեռ աւելի մեծ նշանակութիւն ունի, իմ կարծիքով, քան մինչեւ իսկ այս կամ այն յափըշտակուած դաւառի կցումը Հայաստանին: Միմիայն Անդրկովկասում 600 հազար հայեր կենսապէս շահագրգռուած են այդ հարցով: Բայց դժբախտաբար մեր մամուլը, նաեւ կուսակցականը, կարեւոր ուշադրութիւն չի դարձնում այդ խնդրի վրայ: Մեր ամբողջ ուշադրութիւնը կենդրոնացնում ենք Հայաստանի սահմանների ընդարձակման խնդրի վրայ:

Աւելին կ'ասենք: Ազգային-մշակութային ինքնավարութեան յաջող լուծումը նպաստաւոր ազդակ պիտի հանդիսանայ հէնց Հայաստանի պետական ամրապնդման տեսակէտից: Երբ ասում ենք հայ մշակութային ինքնավարութիւն Վրաստանում եւ Ատրբէյջանում, այդ նշանակում է՝ ոչ միայն որոշ տարիների ընթացքում դպրոցական ցանցի շնորհիւ գրա-

ճանաչ դարձնել հարիւր հազարաւոր հայեր, այդ նշանակում է ոչ միայն հայ դիրքն ու հայ թերթը — Հայաստանից եւս յղելով — տասնեակ հազարաւոր օրինակներով տարածել մեր ցեղակիցների մէջ, ոչ միայն գիտութեան եւ արուեստի նուաճումներին հաղորդակից անել այդ հոծ զանգուածները, — այդ նշանակում է միեւնոյն ժամանակ՝ բարձրացնել նրանց ազգային գիտակցութիւնը, ինքնավար մարմինների շնորհիւ եւ միջոցով սերտօրէն շաղկապել նրանց իրար հետ, բայց նաեւ՝ Հայաստանի հետ, հայ մշակոյթի կենդրոնի հետ: Այդ նշանակում է՝ այժմու կենդրոնախոյս ուժերը փոխարինել կենդրոնաձիգ ուժերով՝ եւ ազդակներով:

Աւելին: Քանի որ Անդրկովկասի երեք երկիրները այսօր մէկ հատիկ պետական օրգանիզմ են կազմում, քանի որ նրանք միասին որպէս մէկ հատիկ միաւոր մտնում են Խորհրդային Միութեան մէջ, ապա ուրեմն պարզ է ինքնին, որ ազգային-մշակութային ինքնավար մարմիններն էլ համապատասխան, յարկաձեւ կառուցուածք պէտք է ունենան:

Ասենք, օրինակ, Վրաստանի եւ Ատրբէյջանի հայ փոքրամասնութիւնները կարող են ունենալ իրենց առանձին-առանձին ինքնավար մարմինները (Բագուն եւ Թիֆլիսը կարող են եւ միեւնոյնին առանձին միաւորներ կազմել), Հիւսիսային Կովկասինը եւ միւսները իրենցը, եւ սակայն դրանք բոլորը միանալով պիտի կազմեն ա) համանդրկովկոսեան եւ բ) համամիութենական մշակութային ինքնավար կենդրոններ: Հայաստանից դուրս գտնուող հայութիւնը շարունակելով իսկ մնալ պատկան երկրամասի պետական-վարչական մարմնի մի բաղադրիչ մասնիկը, մշակութապէս նա պիտի անպայման կապուի Հայաստանի հետ, Երեւանի հետ, այս կամ այն ձեւով, այս կամ այն կազմակերպական սխաւեմով:

Եւ դա շատ հասկանալի է... Վրաստանի եւ Ատրբէյջանի կառավարութիւնները կարող են այս կամ այն չափով վարել իրենց սահմաններում գտնուող հայկական հողամասերը՝ ասենք՝ Ելեւստային, տնտեսական, վարչական եւ այլ կարգի խնդիրները, բայց ոչ երբեք՝ մշակութային բնոյթ կրողները, որոնք հոգե-